

Hfz. Mr. Sumeja Ljevaković-Subašić

Viša stručna saradnica

Sumeja Ljevaković-Subašić je srednje obrazovanje završila u Gazi Husrev-begovoj medresi 2001-2005, dok je dodiplomski studij završila na Fakultetu islamskih nauka u Sarajevu 2005-2009. Postdiplomski studij je završila na Internacionalnom islamskom Univerzitetu u Maleziji 2010-2012. Student je treće godine doktorskog studija na Fakultetu islamskih nauka u Sarajevu. Zvanje „Hafiza Kur'ana Časnog“ stekla je 2006. godine. Od 2014. godine aktivno je angažovana na Institutu za islamsku tradiciju Bošnjaka u svojstvu više stručne saradnice.

Tokom školovanja nagrađivana je brojnim nagradama i priznanjima, među kojima je prvo mjesto na *Dekanovoj listi* najboljih studenata Fakulteta islamskih nauka 2007/2008. godine, te specijalno priznanje Federalnog ministarstva obrazovanja i nauke „kao jednoj od najboljih studenata u Federaciji Bosne i Hercegovine 2009. godine.“ Dio svog školovanja provela je Saudijskoj Arabiji, te u Egiptu i Maleziji što je doprinijelo njenom aktivnom poznavanju arapskog i engleskog jezika.

Urednik je knjige „Stotinu i jedno prisjećanje: Tradicija Bošnjaka na području općina Jajce, Jezero i Šipovo“, priređivač knjige „Hasan Kafija Pruščak“, te urednik knjige „Islamska tradicija Bošnjaka na razmeđu stoljeća: Izazovi novih tumačenja islama“. Autor je članka „Prilog izučavanju tradicije Bošnjaka“ u okviru publikacije „Stotinu i jedno prisjećanje: Tradicija Bošnjaka na području općina Jajce, Jezero i Šipovo“ (2015), te koautor radova „Bibliografije“ i „Anotirana bibliografija Pruščakovih djela i literature o njegovom životu i radu“ u knjizi „Hasan Kafi Pruščak“ (2015). Objavljivala je radove u Novom muallimu „Poslanikova narav u dokazivanju nadnaravnosti Kur'ana“ (2016), „Analiza ženskih džamija u Bosni i Hercegovini i u svijetu u kontekstu novoosnovanih džamija samo za žene na Zapadu“ (2017), u zborniku radova *Religijski turizam: perspektive i mogućnosti IZ* „Koncept turizma u islamskoj tradiciji“ (2015), u knjizi *Vakufi u Bosni i Hercegovini: Zbornik radova - Vakufi na području Jajca* „Percepcija vakufa na području Medžlisa Islamske zajednice Jajce“ (2018), u *Islamska tradicija Bošnjaka na razmeđu stoljeća: izazovi novih tumačenja islama* (2018) „Argumenti hanefijskog mezheba na određena sporna pitanja iz obredoslovlja i vjerske prakse muslimana u Bosni i Hercegovini“.

Učestvovala u prijevodu zbornika radova „Ustanova fetve u globaliziranom svijetu“ (2014), „Berlinsko-Bagdadska i Hidžaska željeznica“ (2014). Objavila prijevode radova „Je li ovo

mračno doba muslimanskoga svijeta?“ u *Novom muallimu* (2016), „Homoseksualnost...genetska neminovnost ili stečeno ponašanje“ *Glasnik* (2017).

Učestvovala na domaćim i međunarodnim konferencijama gdje treba izdvojiti međunarodnu konferenciju u Frankfurtu *Horizonte der Islamischen Theologie* gdje je izlagala rad „The view of Human nature: An implication for defining theories of education“ (2014), međunarodnu konferenciju u Pragu gdje je izlagala na temu „Educational policy in Bosnia and Herzegovina during Austro-Hungarian period with a special reference to Women's education“ (2017), konferencija „Vakufi na području Jajca“ gdje je prezentirala kvantitativno istraživanje „Percepcija vakufa kod Bošnjaka sa područja Jajca“ (2017).

Učestvovala je u izradi terenskog naučnoistraživačkog projekata o percepciji vakufa kod Bošnjaka na području MIZ Jajce (2017). Trenutno radi na analizi podataka prikupljenih tokom terenskog istraživanja „Zašto se žene u Bosni i Hercegovini pokrivaju i s kakvim se izazovima susreću?“ te na prevođenju na engleski jezik „Risale o Hidžri“ reisa Mehmeda Teufika Azabagića koja će biti objavljena u okviru publikacije povodom obilježavanja 100 godina od smrti reisa Mehmeda Tufika Azabagića. Također, ujedno radi i na dugoročnom projektu: „Tumačenje Kur'ana kod bosanskohercegovačkih muslimana u tretiranju pitanja emancipacije žena između 1883. i 1970. godine“.